

新志縣志卷十三

古蹟志

新都故城寰宇記在今治東二里通志云在縣東二十里

寰宇記曰右扶風法正依劉璋為新都令即此城也

始康故城在縣南二里

按梁置始康郡治始康縣西魏廢之通志謂晉末置有誤今依馬氏通考改正

新都縣志

卷十三

古蹟

一

八陣圖在縣東北十五里彌牟鎮

緯略云八陣圖在新都者峙土為魁植以江右四門二首六十四魁八八成行兩陣並峙周凡四百七十二步魁百二十八益州記曰魁方一丈高三尺舊壘踐踏漸平

國朝乾隆五十五年知縣薛諧律補修如故今繪有圖考

麻姑洞在南縣十五里繁陽山

通志曰洞穴深邃中有丹鼎石床宋縣尉王兀嘗

秉燭欲窮之遇蝙蝠撲燭乃不復進名勝志曰神  
武皇帝潛龍之時光化二年山土催落洞門自開  
縣吏時康道士張守真等以事申府云據諸生張  
贇等狀稱繁陽是古迹山每准勅祭祀其洞亦是  
元有往往閉塞元和中南康王韋臯蒞蜀洞忽開  
時人咸云洞開即年豐物賤尋又閉塞至是復開  
其後果遠近豐稔洞本麻姑山側有麻姑宅墓蓋  
修道之所也

寶光塔在縣北半里寶光寺前

名勝志曰唐僖宗避黃巢至蜀遣御史賈璽書召  
知元國師憇息其處掘地得石函中有如來舍利  
尋建浮圖以瘞之仍創精藍曰寶光通志一名無  
垢淨光按此塔自宋迄明兩次培修

國朝嘉慶四年邑人高明遠復行補砌

龍門洞在縣南十里龍門山下

通志曰世傳唐如榮於此飛昇早禱輒應

石闕在縣東北十里王稚子墓前

王象之碑目曰王渙字稚子東漢循吏也冢前有

二石闕一題漢故兗州刺史雒陽令王君稚子之  
闕一題漢故先零侍御史河內縣令王君稚子之  
闕趙明誠跋曰范書循吏傳王渙字稚子嘗為溫  
令而刻石為河內令蓋范史誤渙以元興元年卒  
然則闕銘蓋和帝時立也蜀水經曰渙墓有二石  
闕各高三丈隸釋曰渙墓有雙石闕其上各刻車  
馬之狀一則二人乘馬一則二人乘車挽之者索  
佗也隸續曰闕之兩角有斗斗上鐫刻童兒又作  
重屋四壁神像人物車馬之類亦有漫滅者有先

零二字在右闕南面稚子在北面字在東面雒  
陽二字在左闕西面按劉涇作記以擬甘棠

石鏡在縣北八里麗元山

寰宇記曰麗元山有雙石鏡廣五尺嘗掘其下至  
水而未臻其極

柱礎在縣北半里寶光寺後

名勝志曰治北寶光寺後有柱礎圍丈二尺圓徑  
二尺高丈八寸按明御史盧雍有銘太史楊慎有  
詩